

TARIKH : 22 JULAI 2022  
AKHBAR : KOSMO  
MUKA SURAT : 6

## 30 projek bernilai RM100 juta ditangguh

# Tidak melibatkan projek mega yang telah berjalan 30 projek bernilai RM100 juta ditangguh

Oleh RASDAN AHMAD

**KUALA LUMPUR** – Menteri di Jabatan Perdana Menteri (Ekonomi), Datuk Seri Mustapa Mohamed berkata, kerajaan telah mengenal pasti sebanyak 30 projek bernilai RM100 juta bakal ditangguhkan.

Jelas Ahli Parlimen Jeli itu, projek ditangguhkan itu adalah yang disenaraikan untuk tahun 2022, namun belum lagi dimulakan, tidak diiklankan dan tidak dilakukan perolehan.

"Projek mega seperti Transit Aliran Massa (MRT 3), Kereta Api Berkelajuan Tinggi (HSR), Landasan Rel Pantai Timur (ECRL) dan Pan Borneo masih terus berjalan seperti biasa.

"Setakat ini hasil libat urus mendapati sebanyak 30 projek yang melibatkan kos RM100 juta



serta kecil saja bilangannya. Seperti saya cakap, projek belum diiklankan, belum ada apa-apa persiapan," jelasnya di Dewan Rakyat semalam.

Beliau berkata demikian ketika menjawab soalan Fahmi Fadzil (PKR-Lembah Pantai) yang ingin tahu mengenai perancangan kerajaan berkaitan dasar menangguh atau membatalkan projek-projek baharu.

Tambah Mustapa, sesi libat urus berterusan pada minggu ha-

dapan antara Unit Perancangan Ekonomi, Unit Penyelaras Pembangunan dan Jabatan Kerja Raya akan mengadakan pertemuan untuk mana-mana projek yang perlu (diteruskan) untuk menjamin kesejahteraan rakyat.

Dalam pada itu, Mustapa berkata, bagi pihak yang sudah menerima surat tawaran sebelum ini, projek di bawah mereka tersebut akan diteruskan seperti biasa.

"Projek-projek yang sedang dalam pelaksanaan serta telah dikeluarkan iklan tender, Surat Niat dan Surat Setuju Terima akan diteruskan.

"Selain itu, projek-projek yang dibiayai daripada Dana Infra serta semua projek penyelenggaraan yang mustahak dan telah diluluskan juga akan terus dilaksanakan," jelasnya.



PROJEK ECRL yang sedang dibangunkan kini tetap berjalan seperti biasa dan tidak terlibat dengan penangguhan kerajaan. – GAMBAR HIASAN